



• EDITORIAL • RÂL VÊNGTU

- » SYNOD EXECUTIVE COMMITTEE VAWI 297-NA A THU
- » MIZORAM KRAWS LIAN SIAM MEK A NI
- » CHHIAHTLANG BIALAH LITERATURE SEMINAR

RNI 68092/83

From

Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVII No. 7

E-mail: synodnews@gmail.com A man ₹1/-

JULY 2022

LÂWRKHAWM

SYNOD PROJECT LIAN

Hêng hi Synod project lian kal mêk a ni: (1) Hall lian, Bâwngkâwn – AMC phalna lâk tawh, a satu tûr la thlan fel loh; (2) Hospital Building – AMC phalna lâk tawh, a satu tûr la thlan fel loh; (3) MCC Building – Master Plan siam mêk, AMC phalna dîl ngai, a satu tûr la thlan loh.

KOHRAN HARSADAWM CHHUAH

Synod 2021 Gen. 1-na rorel kal zelah OM chuan dîlna lo lût aţangin kohhran harsa 102 leh anmahni dâwm chhuak tûr kohhran lian 102 a thlang chhuak a. Kohhranten an bawhzui ţha hle.

JOSEFA BUHZEM

Synod 2020 Gen. 2&14-na bawhzui zêlin – ţâmpui, ei leh bâra harsatna lo thlang thei laka invênna atâna sum thawh khâwm tûra kohhrante ngenna chu kohhranten an thawh khâwm zêl a. Ni 25.5.2022 thlenga lût khâwm chu ₹36,46,930/- a tling ta. Pawisa hi Synod Subsidiary Account Synod Relief Account-ah vawn niin, a hrana bank account hawn tûra ruahman a ni.

TRIAGE COUNTER TITAWP

Covid-19 hripui laka Synod Hospital-a thawktu leh damlote him zâwk nâna ni 23.3.2020 aţanga hawn, Triage Counter chu hripui a ziaawm tâk avângin ni 1.4.2022 khan tihtâwp a ni ta a. Hemi chhûng hian mi 1,67,985 en dik an ni.

UCFNEI MITE SYNOD OFFICE-AH

Ni 23.5.2022 khân United Christian Forum of North East India (UCFNEI) hminga Assam leh Meghalaya aţanga lo kal – Roman Catholic Kohhrana Archbishop, Rev. Thomas Menamparambil-a leh Father Tom-aten Synod Office an rawn tlawh a. Mizorama Myanmar râltlânthe dinhmun leh ţanpuina kalpui zêl dân tûrte zir chianga lo kal an ni.

SYNOD EXECUTIVE COMMITTEE VAWI 297-NA A THU

Synod Executive Committee vawi 297-na chu June ni 7–9, 2022 chhûng khân J.M. Lloyd Hall, Synod Office-ah a ţhu a, member 153-ah 141 an kal. Committee hi Rev. Dr. Vânlalngâka Râlte, Synod Moderator-in a kaihrui a. Synod Secretary Report, Finance Officer Report leh Audit Report-te ngaihthlâk a ni a. Annual Statement of Account thlîr ho a ni bawk. Chumi zawhah committee member ruat thar leh inthlâkna hun hman a ni.

Rev. Z.D. Lalmachhuana, Synod Secretary hnên aţangin report ngaihthlâk a ni a. Synod Service Rules 2022 chu Synod hnuia department hrang hrang hotuten Synod Office-ah an zir ho thu te; Synod Inkhâwmpui 2021 Gen. 68 angin Rev. Dr. Vânlalngâka Râlte, Synod Moderator-in Church Court pahni – Calcutta Mission Field leh Jharkhand Mission Field a hawn thu te; Synod Auditor-ten Synod sum tluang taka an audit thu te; Myanmar ram buai avânga Mizorama râltlân chhûngkaw 1,418 hnênah Mizoram Synod-in ţanpuina ₹20,00,000 a pêk thu te; Covid-19 Relief atân CWM aţanga sum hmuh chu khaw puma hri kai pahni – Bâwtê leh Hmâwngkâwn khuate hnênah pêk a nih thu te; kum 2021 Synod thurêl 70-na angin Manipur Synod leh Zou Synod-te chu thawh dunna thuthlung ziah tharpui an nih thu te; PCI Biennial General Assembly vawi 44-na chu Umroi Kohhran Biak In, Ri-bhoi Synod-ah April ni 27–May 1 chhûnga hmanah Mizoram Synod aţangin palai 135 an kal thu leh, Rev. Dr. K. Lallâwmzuala, Executive Secretary chu Secretary (Sr.) a nih thu te; PCI Biennial General Assembly vawi 45-na chu May ni 2–5, 2024-ah Mizoram Synod-in a thlen tûr thu te; KTP General Conference vawi 59-na chu Kolasib Diakkawn Field-ah May ni 5–8, 2022 khân tluang taka hman a nih thu te; FG&CC Counsellor, Rev. Sairêngpuia Sailo chu kal cancer avângin ni 3.5.2022-a a thih thu leh, an khua Kolasib Vênglai Kohhran Biak Inah Rev. Dr. Vânlalngâka Râlte, Synod Moderator-in a vui thu te; ni 20.5.2022-a NEICC 79th Session, Barapani, Meghalaya-ah Mizoram Synod aiawhin Rev. Dr. C. Lalhlîra, Rev. B. Sângthanga, Pi K. Lalliantluangi leh Dr. T. Vânlaltlani-te an

kal thu te; Mizoram Presbyterian Kohhran Hmeichhe Rorêl Inkhâwm vawi 11-na chu ni 26.5.2022 khân Mission Vêng Kohhran Biak Inah tluanga taka hman a nih thu te; Pastor, kum 2022 April-a zir zo pangate chu May ni 29 khân Induction neihpui an nih thu te; ni 19.2.2022–20.3.2022 chhûngin Synod Revival Speaker-ten Aizawl dai vêlah ruihhlo ngai leh zu in mite hnêna rawngbâwlna tluang taka an kalpui thu te; Mizoram Christian College (MCC) Principal, Rev. Dr. Lalchungnungan ni 1.6.2022 khân Principal thar Upa Dr. Tâwnênga hnênah mawhpurhna a hlan thu te; Synod 2021 Gen. 1-na rorel kal zelah OM chuan Kohhran harsa 102 a thlan chhuah thu leh anmahni dâwm chhuak tûr kohhran lian 102 a thlan chhuahten ţha taka an bawhzui thu te; SEC 296 leh 297 inkârah Synod Relief Fund aţangin harsatna tawk mi hrang hrang hnênah ţanpuina ₹42,43,000 pêk a nih thu te leh, SEC 296 leh 297 inkârah Revocation Certificate (RC) 101 leh Remarriage Licence (RL) 283 pêk a nih thu te chu report langsâr zual a ni.

Tûn ţum SEC-a thurêl zingah – Synod Hospital-ah Visiting Consultant Doctor neih rem tih a ni a; Bâwngkâwn Bethel Kohhran Biak In hmun lei nân chêng nuai 250 pêk rem tih a ni a; Synod Newsletter chu a man neih tîr rem tih a ni a (A man erawh chu kohhran mipuiten chawi lovin Synod-in a pêksak ang); Synod Archives document chu cloud storage-a dah rem tih a ni a; Synfo Department en ţat rawtna chu pawm niin, sawi hona aţangin ruahmantuten rawtna siam ţat leha, SEC-a thlen leh tûra rêl a ni bawk.

SYNOD Newsletter

EDITORIAL STAFF

Rev. Lalbiaknia
Rev. V.L. Luaia Hranleh
Upa K. Lalnghinglova
Zohmingliana Colney



MAHNI NIHNA HRIAT

Pathian hruainain 2022 kum chanve kan lo hmang zo ta reng mai. Pathian hnênah lawm thu sawiin inhlân thar zel ila. Kum chanve chhûnga kan nun kawng zawh thlîr lêtin, insiam that ngai kan neihte insiam thain, hmasawn zêl tûrin inbuatsaih ila.

Kan nihna, kan hriat reng tûr leh kan tih tûr dik hre tûra kan ngaihtuah fo pawh a tûl awm e. Kan nihna, kan hriat reng tûrte chu –

– Isua ringtu kan ni. Rinnaah kan chak emaw, chak lo emaw, kan phûr emaw, phûr lo emaw, thlarau nunah kan hlim emaw, hlim lo emaw, kan nihna chu Isua ringtu a ni. Isua ringtu kan nih chuan, ringtu nuna nun erawh kan tum ve tûr a ni. Isua ringtu ni si, dâwt sawi te, zu ruih te, inngaihna suala tlûk te, dân phal lohva intihhausak te, dik lo taka thil tih te chu a inrem thei ngai lo vang.

– Kohhran mi kan ni. Kohhran mi chu kohhranah a tel tûr a ni a. Pathian biak inkhâwm te, tawngtai te, kan phâk tâwk ang zêla thahnemngaia rawngbawl te, kohhran mite tih tûr chu tih ve thîn tûr a ni. Kohhran duh loh zâwng chu ti lova, kohhran mite nun dân tûr chu zawm ve kan tum tlat a pawimawh. Lal Isuan, “Lei chi in ni e; khawvêl êng in ni e,” tiin kan nihna min hrilh baw (Mt 5:13,14).

Khawvêl siam tha tûr te, khawvêlah Krista êng puang chhuaka, thim thuneihna tibo tûra mawhphurhna ropui tak nei kan ni. Kan nihna hi hre chiangin i nun chhuahpui ang u.

MASIHI EVANGELIST THARTE AWMNA TUR

Hming	Awmna tûr
Michael H. Lalremsanga	Gorkha Gospel Team, Azi
James C. Lalhmachhuana	Phainuam Pastor Bial
Lalnunhlina	Rêngdîl Kohhran
Jagadish Kalai	Lunglei Gospel Team
Baby Vânlalrêngpuii	Barapani, Meghalaya
H. Vânnêhsânga	Lunglei Gospel Team
H. Lalrinmawia	Champhai Kohhran
Lalruatlâwma	Thênzâwl Vêngthlang Bial

PASTOR INDUCTION

Pastor, kumin April thlaa zir zote chu ni 29.5.2022 khân hetiang hian induction neihpui an ni:

Hming	Bial	Induction neihpuitu
Rev. Lalmuanzova	Kâwlkulkh North	Rev. T. Chawikhûma, Kâwlkulkh
Rev. Jehu Laldintluanga	N. Vânlaliphai	Rev. P.C. Pachhûnga, Finance Officer
Rev. Lalthatluanga	Kêlkâng	Rev. Lianhmingthanga Sailo, ITI Vêng
Rev. Vânlalhuma	Thingsûlthlah	Rev. Z.D. Lalhmachhuana, Secretary (Sr)
Rev. Sujindro Chakma	Chawngte P	Rev. Dr Vânlalngâka Râlte, Moderator

MIZORAM KRAWS LIAN SIAM MEK A NI

Synod Executive Committee (275:40 of dt. 13.11.2018)-in a remtih angin Mizoram Kraws Lian (Metre 50-a sâng) chu Aizâwl Theological College hmunah siam mêk a ni a. Kohhran leh pâwlho bâkah, mi mal inphalte zârah sum pawh a luh belh zêl a. A inngahna (foundation) bâwr thawh zawh tawh a ni. Hmabâk a la tam avângin thawhlâwm hi a la pêk zêl theih e.

A. Hetiang hian thawhlâwm a pêk theih e

1. Kohhran pual
2. Pâwlho pual
3. Chhûngkaw pual
4. Mi mal pual
5. Hriat rengna (memorial) pual
6. Anniversary/Jubilee pual
7. Thil dang (others) pual

Note : Tum khatah thawhlâwm hi pêk vek theih loh pawhin a hnuah pawh a pêk theih zêl e.

B. Pawisa pêk theihna

1. Synod Office
2. ATC Office
3. Bank transfer/Gpay (Payment slip kha ATC-ah thawn ni se)
4. Cash (Pawisafaiin)

5. Cheque hmangin

C. Bank details

Bank hming : State Bank of India
Branch hming : Durtlâng Branch
Account no. : 39575430134
Account holder : MPC Synod
IFSC : SBIN0017399

D. Contact address

Aizâwl Theological College
Durtlâng Leitan, Mizoram
PIN : 796 015
Phone : 9485140303, 9436353745
email : atc.mizoram@gmail.com

Secretary

Mizoram Kraws

Lian Fund

NEICC ROREL INKHAWM: North-East India Christian Council (NEICC) Biennial Assembly wavi 79-na chu Covid-19 hripui lêng avangin a hun pângngai (2021)-ah hman theih a nih loh avângin kuminah mi tlêm deuh telna ‘Rorêl Inkhâwm’ chu May ni 20, 2022 (Zirtâwpni) khân Union Christian College (UCC), Barapani, Meghalaya-ah hman a ni a. President thar atân Rev. R. Lalnunzira, Baptist Church of Mizoram thlan a ni.

MCC-IN IN LUAH BELH: Mizoram Christian College (MCC) classroom indaih loh phuhrûk nân Pu Nghâklianmawia in, Mission Vêngthlang chu a luah dâwn a, buatsaih mêk a ni. MCC-ah hian thawktu 23 leh zirlai 226 an awm mêk a, Synod Higher Secondary School building hlui, Mission Vêngthlang an luah mêk a ni.

DAMLO AWM MAN BA PEKSAK: Synod Hospital Charity Cell chuan damlo, damdawi in awm man pe thei lo mi 598-te bat ₹1,19,79,116 chu Charity sum atangin a pêksak. Hêng mite hi Presbyterian Kohhran mi 400 leh kohhran pâwl dang mi 198 an ni.

SYNOD REVIVAL SPEAKER-TE INTUAI THAR: Synod Revival Speaker-te tâna buatsaih intuai tharna hun chu June ni 22–25, 2022 chhûng khân Synod Conference Centre, Aizâwlah riak lûta hman a ni a, Revival Speaker 70 atangin 69 an

tel. Intuai tharna hun hi June ni 22 (Nilaini) zânah Rev. Dr Vânlalngâka Râlte, Synod Moderator-in a hawng a; thupui chi hrang hrang ngaihlâka sawi ho thîn a ni.

PHBS GRADUATION DAY: Ni 17.6.2022 (Zirtâwpni) khân Presbyterian Hindi Bible School (PHBS), Bâwngkâwn chuan Mission Vêng Kohhran Hall-ah Graduation Day wavi 68-na a hmang. Inkhâwm hi Rev. Zochhuanmawia, Principal, Presbyterian Hindi Bible School-in a kaihrui a; Rev. R. Lalhmingsânga, Secretary, SMB-in thuchah a sawi a; Rev. C. Sâpkâia, BEC member-in zirlai chhuak tûr mi 15-te hnênah certificate a hlan a; zirlai tiŋha zual mi pathum hnênah Upa Lalbiakênga Fanai, Co-ordinator, SMB-in award a hlan baw. Zirlai tiŋha ber chu Philip John Soren, Jharkhand Field atanga lo kal a ni.

KOHRAN HMEICHHE ROREL INKHAWM WAWI 11-NA: May ni 26, 2022 (Ningani) khan Mizoram Presbyterian Kohhran Hmeichhe Rorêl Inkhâwm wavi 11-na chu Mission Vêng Kohhran Biak In, Aizâwlah hman a ni a, thupui chu ‘Sim ula, hawi kîr leh rawh u’ (Tirhkohte 3:19) tih a ni. Rorêl Inkhâwm hi Pi Sailûti, Inkhâwmpui Lian Chairman-in a kaihrui a, palai 332 an kal. Covid-19 hripui lêng avângin Synod Executive Committee (SEC) thurêl angin kuminah hian ni khat nilênga hman a ni. Kum 2024 Rorêl Inkhâwm chu Dâwpu Kohhran Biak Inah ngah a ni.

Râl Vêngtu

Râl Vêngtu chuan entlang lian pui hian khawpui chhông chu uluk takin a thlîr kual a. "A va pawî tak êm! A va zia lo êm! Saw chu a zia deuh. Ehe! Insiam that nachâng an hre êm ang chu maw! An harh chhuak êm ang chu!" tiin a phun mawlh mawlh a. A râl vên bûk kianga lo kal apiang chu Râl Vêngtu ngaichâng chuan an dîng zêl a, rei lo têah mi an lo awm khâwm ta têu mai a.

Mipuite chuan, "Râl Vêngtu, i thil ken kha eng nge ni? Eng nge i tiha, eng thu nge i sawi tâk mawlh mawlh? Eng nge i hmuh min han hrilh teh," an ti a.

Râl Vêngtu chuan, "Hei, ka thil ken hi entlang tha mi a nia. Hemi hmang hian in thiltih leh nun dân tîn-rêng hi ka hmuhsak che u a ni. Ka thil hmuh hi ka'n hrilh hlawm teh ang che u," a ti a. Mite chuan, "Min han hrilh teh," tiin an lo ngaithla thap a.

Râl Vêngtu chuan, "Thuhriltu thenkhat, an hriat loh hre Chiang Intia, uar taka thusawi thîn, belh chian dâw leh si lote ka hmu nual a.

— A rûka thil tisual, tâng hriat loh vâng rawngbâwlna chelh pawh ka entlang aţang chuan ka hmu baw a.

— Hlâwkna dik lova hausa pawh ka hmu. An hma lawka an tlâkna tur lêngkîr sâng tak pawh ka hmu a ni.

— Kohhran mi ni si, ram danga kohhran mi ni tha duh lo, kohhran ep tlat te pawh ka hmu a ni.

— Sawrkâr hnathawk, an hna thawk tha hman lova thil danga inhmang tûl tlat pawh ka hmu têu mai.

— Thuneihna leh sum ngah chauh duha, ram thatna tûr vei pha lo, thawk tak tak lova ram hruai tum ve tlat te pawh ka hmu.

"Thil a nihna tur ang taka in kalpui loh chuan, ram leh kohhran pawh in chhe telh telh ang. Hmaikâwr vuah in tam riaw mai. In hmaikâwr paih ula, dik tak leh rinawm takin awm rawh u," a ti a.

Mipuite chuan, "Râl Vêngtu, kan nihna dik tak, kan lo inthupte pawh i lo hmu vek a ni maw? A va zahthlâk ve le! Insiam that kan lo tum ang e," tiin an kal ta dam dam a.

CHANCHINBU LAMNA TUR

Kristian Tlângau, Kristian Naupang leh Synod Newsletter, Synod Office aţanga la thînten Synod Office chhâwng hnuai berah lâk zêl tawh tûr a ni e.

SYNOD HOSPITAL, DURTLÂNG THILPÊK DAWNTE

(May, 2022)

I. CHARITY FUND

1. Lungdai Hmâr Vêng Kohhran	₹ 1,000/-
2. Dr Lalmalsâwma Nghâka, D-3 Business Enterprise	₹ 5,000/-
3. Lalchuanmawia s/o Rohmingthanga, Keifâng Vêngthar	₹ 1,000/-
4. Khawzâwl Vêngthar Pastor Bial KPP	₹ 5,000/-
5. Pu Lalthanliana h/o H. Zaihnuni, Chawnpui, Aizâwl	₹ 1,000/-
6. KÏP, Vêngnhuui Pastor Bial	₹ 10,000/-
7. Kolasib Electric Vêng Kohhran (Easter Sunday inkhâwm thawhlâwm)	₹ 16,167/-
8. Khuanglêng South Pastor Bial KPP	₹ 5,000/-
9. Bairabi Kohhran Hmeichhia	₹ 5,000/-
10. Mission Vêng Pastor Bial KPP	₹ 20,000/-
11. Zonua Bial Kohhran Hmeichhia	₹ 10,000/-
12. Ngopa Pastor Bial KPP	₹ 10,000/-
13. Pu Zodinliana, Mission Vêng	₹ 1,500/-
14. Aibâwk Pastor Bial Kohhran Hmeichhia	₹ 5,000/-
15. Pu PC Lalsangmawia, Electric Vêng, Aizâwl	₹ 10,000/-
16. Chhingchhîp Pastor Bial	₹ 10,000/-
17. Chhingchhîp Vênglhun Kohhran (Good Friday inkhâwm thawhlâwm)	₹ 10,000/-
18. Kâwlcukh Bial Kohhran Hmeichhia	₹ 5,000/-
19. Khawzâwl Dinthar Pastor Bial Kohhran Hmeichhia	₹ 10,000/-
20. Phuaibuang Bial Kohhran Hmeichhia	₹ 5,000/-
21. E. Phaileng Bial Kohhran Hmeichhia	₹ 15,360/-
22. Synod Lay Workers Fellowship	₹ 1,77,820/-

23. Pu B. Lalthanliana & Pi H. Zaihnuni, Chawnpui, Aizâwl ₹ 1,000/-

II. GRACE HOME TANA PETE

1. Zonua Pastor Bial Kohhran Hmeichhia, Aizâwl	₹ 15,000/-
2. Luangmual Kohhran Hmeichhia, Aizâwl (Grace Home damlo tân locker 2)	
3. Phuaibuang Pastor Bial Kohhran Hmeichhia	₹ 5,000/-

III. THISEN PETUTE

	Unit zât
1. KÏP, Bûngkâwn High School Vêng Branch	21
2. KÏP, Chhînga Vêng East Branch	44
3. KÏP, Tuikual South Branch	33
4. YMA, Tuithiang Branch, Aizâwl	21
5. LR Security	15
6. KÏP, Jubili Branch, Aizâwl	25
7. KÏP, Baktâwng Pastor Bial	71
8. KÏP, Maubâwk Pastor Bial	57
9. KÏP, Sairâng Pastor Bial	47
10. Sihphir Higher Secondary School	13
11. KÏP, Rângvamual Branch	15

IV. THIL DANG PETU

1. Upa Lalêngliana Hnamte, Chêkâwn Vênglai Hmunphiah 10

V. PAWISA DAWN ZAWNG ZAWNG ₹3,59,847

Sd/-

(REV. R. RAMDINMAWIA)

Chaplain, Synod Hospital, Durtlâng

DAMDAMI IN CHANCHIN

Synod damdami in dinhmun hetiang a ni:

1. Synod Hospital, Durtlâng

(1) Khum awm zât – 355

(2) Thawktu awm zât

(a) Doctor	34
(b) Nursing Staff & Sister	157
(c) Asst. Professor	6
(d) B.Sc. Tutor	5
(e) Para Medical Staff	29
(f) General Staff	115
An vaiin	346

2. John Williams Hospital, Lunglei

(1) Khum awm zât – 29

(2) Thawktu awm zât

(a) Doctor	4
(b) Staff Nurse	20
(c) Office Assistant	2
(d) Lab. Technician	5
(e) Pharmacy Staff	3
(f) X-ray Technician	2
(g) Thawktu dangte	23
An vaiin	58

PATHIAN THU ZIR DUH TAN

Presbyterian Bible School, Mission Vêng, Aizâwlah Certificate in Theology (C.Th.) admission hawn a ni a. Dîl duhte tân a hnuaia târ lan hi hriat tûr a ni e.

Admission form :	Office hun chhûngin ₹10/-a lei theih a ni.
Dîl hun chhûng :	August 23, 2022 (Thawhlehi) tlat dâr 3 thleng.
Dîl thei chin :	Class VII pass, kum 16 chin, kohhran dân chhûnga awm.
Interview :	August 30, 2022 (Thawhlehi) chawhma dâr 10.
Class tan hun :	September 6, 2022 (Thawhlehi)
Zir hun chhûng :	September–December, 2022

Hre Chiang duh tân Phone No. 0389-2317343 leh 8974613378-ahte zawh fiah theih a ni.

Sd/-

(REV. LALRINSANGA)

Principal, Presbyterian Bible School

**BIAK IN HAWNG**

Ni 4.6.2022 khân Hmunghâk Kohhran Biak In (Khawruhlian Bial) chu Rev. Dr Vânlalngâka Râlte, Synod Moderator-in a hawng a. Ni 25.6.2022 khân Synod Moderator hian Lêngpui Kohhran Biak In a hawng bawk.

COUNSELLING TRAINING KHAR

FG&CC-in Kohhran hruaitute puala May ni 19, 2022 ațanga SMTC-a 'Church Leaders' Intensive Residential Pastoral Care & Counselling Training' Vawi 34-na a buatsaih chu May 30, 2022 (Thawhtanni) zan khan 'Final Evaluation & Graduation Service' hmangin khar a ni. Tun ățum Training-ah hian Pastor Bial 10 ațangin Kohhran aiawh 34 an tel a ni.

HSLC LEH HSSLC RESULT ȚHA

MBSE-in kumina HSLC leh HSSLC result a tihchhuahah Synod Higher Secondary School, Aizawl chuan result Țha tak a nei a, a lâwmawm hle. Hetiang hi result chu a ni: HSLC-ah zirlai 273-in exam-in 255 (Za zêla 93.4)-in an pass a. HSSLC Science-ah zirlai 122-in exam-in 93 (Za zêla 76.02)-in an pass a; HSSLC Arts-ah zirlai 247-in exam-in 225 (Za zêla 91.09)-in an pass a. HSSLC Arts subject-ah top ten-a tel pathum an nei a ni.

P.E.S. TȚȚHA

Kumin hian MBSE hnuaiah Presbyterian English School (PES) 34 ațanga HSLC exam zawng zawng, 677-ah 620-in an pass a, za zêla 91.58 pass ang an ni. Pass vekna PES 16 a awm bawk a, a lâwmawm hle.

PASTOR QUARTERS HMUN LEI

Mizoram Synod chuan Tualchêng Bial Pastor Quarters hmun tûr ₹17,00,000 (Nuai sâwm leh pasarih) man leh Chawlhmun Bial Pastor Quarters hmun tûr ₹1,50,00,000 (Nuai za leh sawmnga)-in a lei.

UTC ȚANPUI

United Theological College (UTC), Bangalore Țanpui nân, an rawn dîl angin Mizoram Synod chuan ₹2,00,000 a pe.

SYNOD BOOKROOM CONFERENCE

Synod Bookroom Conference chu ni 16.6.2022 khân Synod Office Devotion Hall-ah Upa H. Ronghâka, General Manager, PRESCOM Dept-in a hawng. Kum kal ta khân Synod Bookroom chuan Covid-19 hripui lêng kârah ₹11,44,80,949 lai a thawk chhuak a. Pu Lalniliana, Synod Bookroom Manager-in Financial Year thara Synod Bookroom budget ₹14,40,00,000 a pharh bawk. Synod Bookroom Hqrs Office tûr, Mission Vênga sak mêk chu kumin November thlaah zawh hman beisei a ni.

CHHIAHTLANG BIALAH LITERATURE SEMINAR

Juneni 18, 2022 (Inrinni) khân nilêngin Chhiahtlâng Vênghlun Kohhran Hall-ah Chhiahtlâng Pastor Bial huapin Literature Seminar buatsaih a ni a. Hetah hian Rev. Lalbiaknia, Editor, SL&PB; Upa H. Ronghâka, BEC Member leh Tv. Zohmangaiha, Asst. Editor-te an kal. He seminar-ah hian Bial chhûng kohhran tin ațangin Kohhran Committee, Kohhran Hmeichhe Committee, KȚP Committee leh KPP Committee-te an tel a, an zavaiin mi 170 an tel.



Kohhran Țawngkam hman uluk leh Mizo Țawng hman dik leh humhalh kawngah inzirtîr nasat a Țûlzia sawiin an tuipui hle. Inrinni zân ațangin Pathianni zân thlengin Bial chhûng kohhranah inkalthelhin campaign chhunzawm a ni bawk.

CKȚP-IN THISEN PE HNEM BER LAWMMAN A DAWNG

Central KȚP chuan Mizoram puma thisen pe hnem ber lâwmman a dawng. World Blood Donor Day (June 14)-ah lâwmman hi Health Minister Dr R. Lalthangliana hnên ațangin Central KȚP Leader, Rev. Dr F. Pachhûnga leh General Secretary, Upa Rochungnunga-ten an dawng. Kum 2021 April–March 2022 chhûng khân a pum puiah thisen unit 3,968 an pe a; hemi bâkah unit 3,229 an pêk ațangin Religious Category-ah lâwmman pakhatna an dawng bawk. Lâwmman hi Tea Urn leh Certificate a ni.

**FLAM HRUAITUTEN SYNOD PUIPATE KÂWM:**

June ni 13 khân Synod Committee Room-I-ah Former Legislators Association of Mizoram (FLAM) hruaituten nakkum (2023) November thlaa MLA thlan lo awm tûr chungchângah Synod puipate an kâwm.

GCCF HRUAITUTEN SYNOD PUIPATE KAWM:

June ni 13, 2022 khân Global Chin Christian Federation (GCCF) hruaitu pahnih – Rev. Indiana Salai Chung, Chin Executive Director, GCCF, Canada leh Rev. Dr Hla Dung, Executive Secretary, GCCF-ten Synod puipate rawn kâwm, Mizoram Synod-in nikum leh kumina ₹40,00,000/- (Nuai sawmli) laia Myanmar râtlânta a lo Țanpui avângin lâwm thu an hrih a. Mizoram mipui chungah lâwm thu an sawi bawk.

SYNOD HSS-IN ZIRLAI TȚȚHA CHAWIMAWI:

June 10 chawhnu dâr 1 khân Synod Higher

Secondary School chuan kumina HSLC leh HSSLC-a zirlai tȚȚate chawimawina hun, Multipurpose Hall-ah a hmang a. HSSLC (Arts) Topper Lalrohlui Râlte biangbiakna leh zirlai dangte thusawi ngaihthlâk a ni. Zirlai tȚȚate hi Synod Higher Secondary School leh Alumni Association hmingin thilpêk hlan an ni.

PES RESULT ȚHA LAW:

Ni 17.6.2022 khân J.M. Lloyd Hall, Synod Office, Aizawl leh Presbyterian English School (PES) hnuaia HSLC result Țha lawm a ni a. He hun hi Pi Zirkûngi Chhakchhuak, Synod Education Board Secretary-in a kaihrui a; Rev. Dr Vânlalngâka Râlte, Synod Moderator-in sikul tȚȚa pathum – Mamit PES, Sihphîr Vênglai PES leh Republic Vêng PES-te hnênah lâwmman a sem a, distinction-a pass mi 97-te hnênah lawmpuina ₹10,000 Țeuh hlan an ni bawk.

SYNOD NEWSLETTER-IN MAN A NEI TA

SEC 297-na (June ni 7–9, 2022)-in a rêl angin, Synod Newsletter hi copy khat ₹1/-in a man bithliah a lo ni ta a; a man erawh chu Synod-in a pe zêl ang a, kohhran chhûngkaw tinah a hma angin a thlâwna sem zêl tûr a ni ang. Synod Newsletter hi postal registration tih nân chanchinbuah a man chuantîr a Țûl vang leh, Newsletter lei duhte tân a man bithliah a Țûl vang a ni e. July 2022 ațang chuan a chhuak apiangah a man hi târ lan zêl a ni tawh ang.